

Sarajevo, 10.5. 2021. godine

Na osnovu člana 69. stav 2. tačka d) i člana 70. stav 1. 4. i 6. Zakona o javnim nabavkama (Sl. glasnik BiH br. 39/14), člana 27. Pravilnika o nabavci roba, vršenju usluga i ustupanju radova KJKP "Vodovod i kanalizacija" d.o.o. Sarajevo i člana 41. Statuta preduzeća, na preporuku Komisije za javnu nabavku broj 113/20 od 22.04.2021. godine, u postupku javne nabavke br. 113/20 „Rezervni dijelovi za pumpne agregate proizvođača KSB“ donosi se :

**O D L U K A**  
o poništenju postupka javne nabavke

**Član 1.**

Poništava se Odluka o izboru br: 113/20 od 16.02.2021. godine, najpovoljnijeg ponuđača: „KBA Servis“ d.o.o. Brčko u predmetnom postupku br. 113/20 za nabavku roba: „Rezervni dijelovi za pumpne agregate proizvođača KSB“

**Član 2.**

Poništava se postupak javne nabavke broj 113/20 za nabavku roba: Rezervni dijelovi za pumpne agregate proizvođača KSB iz razloga što nijedna od primljenih ponuda nije prihvatljiva a sve u skladu sa odredbama člana 69. stav 2. tačka d) ZJN.

**Član 3.**

Ova odluka objavit će se na web stanici : [www.viksa.ba](http://www.viksa.ba) istovremeno s upućivanjem ponuđačima koji su učestvovali u postupku javne nabavke, u skladu sa članom 70. stav 6. Zakona o javnim nabavkama.

**Član 4.**

Ova odluka stupa na snagu danom donošenja i dostavlja se svim ponuđačima koji su učestvovali u postupku javne nabavke, u skladu sa članom 71. stav 2. Zakona o javnim nabavkama.

**O b r a z l o ž e n j e**

Postupak javne nabavke pokrenut je Odlukom o pokretanju postupka javne nabavke broj : 113/20 od 05.10.2020. godine.

Javna nabavka je provedena putem otvorenog postupka nabavke.

Procijenjena vrijednost javne nabavke bez PDV-a iznosi : 100.000,00 KM.

Obavještenje o nabavci broj : 247-1-1-183-3-324/20 poslato je na objavljivanje na Portal javnih nabavki dana 13.11.2020. godine, a sažetak obavještenja o nabavci objavljen je u Sl. glasniku BiH broj : 75. od 20.11.2020. godine.

Komisija za javnu nabavku imenovana je Rješenjem br. 50/20 od 25. 6. 2020 godine, i dopunskim Rješenjem članova komisije br. 113/20-1 od 02.11.2020 godine

Nakon izvršenog otvaranja ponuda Komisija je dana: 08. 12. 2020 godine pristupila pregledu i ocjeni pristigle ponude u formalnom smislu: oblika ponuda (numeracija, uvezivanje i dr.), cjelovitosti odnosno potpunosti ponuda.

Komisija je utvrdila da dostavljena ponuda ponuđača „KBA Servis“ d.o.o. Brčko ispunjava zahtjevane tenderske uslove prema obliku i potpunosti u smislu pripreme ponude.

Pregledom ponude koja je zadovoljila uslove u formalnom smislu, Komisija je pristupila analizi dokumentacije priložene uz ponudu u smislu provjere kvalifikacije ponuđača, obzirom na iskazane zahtjeve ugovornog organa u tenderskoj dokumentaciji i konstatovala sljedeće:

R. br.	Zahtjevana kvalifikaciona dokumentacija	Ponuđač
		„KBA Servis“ d.o.o. Brčko
1.	<b>Tačka: 13 TD:</b> Izjava o ispunjenosti uslova iz člana 45. stav (1) tačaka od a) do d) Zakona o javnim nabavkama – Aneks IV; Prilog 3.	DA
2.	<b>Tačka: 14.1. TD:</b> Izjava o ispunjenosti uslova iz člana 47. st. (1) tačka a) i (4) Zakona o javnim nabavkama – Aneks V; Prilog 4.	DA
2.1.	<b>Tačka: 14.1. TD:</b> Potvrda banke o aktivnosti transakcijskog računa koja nije starija od tri mjeseca računajući od dana dostavljanja ponude	DA
3.	<b>Tačka 14.3 TD:</b> Original ili ovjerena fotokopija Aktuelnog izvoda iz sudskog registra ovjerenu od strane nadležnog organa – (Sud, Opština ili notar) ili Rješenja o registraciji ili ekvivalent odgovarajućeg dokumenta, koji nije stariji od tri mjeseca od dana izdavanja, a računajući od dana predaje ponude (Član 46. ZJN BiH), kojim se dokazuje da ponuđač ima pravo na obavljanje profesionalne djelatnosti i/ili da je registrovan u relevantnim profesionalnim ili drugim registrima zemlje u kojoj je registrovan ili da osigura posebnu izjavu ili potvrdu nadležnog organa kojom se dokazuje pravo da obavlja profesionalnu djelatnost, koja je u vezi sa predmetom nabavke.	DA

Komisija konstatuje da ponuđač "KBA Servis" d.o.o. Brčko ispunjava kvalifikacione uslove, obzirom na iskazane zahtjeve ugovornog organa u tenderskoj dokumentaciji.

Pregledom ostale zahtjevane dokumentacije/aneksa-priloga, konstatovano je sljedeće:

R. br.	Ostala zahtjevana dokumentacija/aneksi-prilozi	"KBA Servis" d.o.o. Brčko
1.	<b>Tačka: 15 TD:</b> Pismena izjava ponuđača iz člana 52. Zakona o javnim nabavkama – Aneks VIII; Prilog 4.	DA
2.	<b>Tačka: 16. TD pod 1:</b> Obrazac za ponudu – Aneks II; Prilog 1.	DA
2.1	<b>Tačka: 16. TD pod 1.1.:</b> Popis dokumenata uz ponudu koji čini sadržaj ponude – Aneks II; Prilog 1	DA
3.	<b>Tačka: 20 TD:</b> Obrazac za cijenu ponude – Aneks III; Prilog 2	DA
4.	<b>Tačka 31 i 36 TD:</b> Nacrt okvirnog sporazuma – Prilog 6.	DA

R. br.	Ostala zahtjevana dokumentacija/aneksi-prilozi	"KBA Servis" d.o.o. Brčko
5.	Tačka: 31 i 37 TD: Nacrt ugovora o javnoj nabavci – Prilog 7.	DA
6.	Tačka: 43 TD: Povjerljive informacije – Prilog 5.	DA

Komisija konstatuje da je ponuđač **"KBA Servis" d.o.o. Brčko** dostavio ostalu zahtijevanu dokumentaciju kako je navedeno u tabelarnom prikazu, te je od strane stručnih lica za predmetnu nabavku konstatovano da je navedeni ponuđač ispunio sve postavljene tehničke zahtjeve, zahtjeve u pogledu opisa predmeta nabavke i tehničke specifikacije.

Također je konstatovano da ponuda ponuđača **"KBA Servis" d.o.o. Brčko** potpisana od strane podnosioca ponude i ovjerene pečatom ponuđača, te imaju broj i datum.

Pojašnjenje u smislu čl. 68. stav (3) ZJN, a koji se odnosi na pojašnjenje dokumenata koje su dostavili u skladu sa čl. 45. do 51. ovog zakona ili da dostave originalne dokumente radi poređenja s kopijom koja je dostavljena uz ponudu, a s ciljem otklanjanja formalnog nedostatka dokumenta – se nije zahtjevalo.

Računskom kontrolom specifikacije ponude ponuđača **"KBA Servis" d.o.o. Brčko** konstatovano je da ima grešaka računске prirode i to u poziciji br. 2 specifikacije „Habajući potisni prsten (Poz.502.02), kat.br: 01315176 ili ekvivalent“ u dijelu specifikacije koji se odnosi na nabavku „Pumpni dio UPA 350-128/1A,2A,3 Tv.br: 9974256373000200/01, Tv.br: 9971254590 "KSB" Njemačka PRILOG 6“ gdje je ponuđač u koloni br. 9. „Jedinična cijena u KM“ upisao iznos 564,19 KM, dok je u koloni br. 12. „Konačna jedinična cijena bez popusta ili sa popustom u KM (ukoliko se nudi) upisao iznos 546,19 KM. Na osnovu toga, vrijednost kolone br. 10. „Ukupna vrijednost u KM bez PDV-a (8 x 9)“ iznosi 1.128,38 dok iznos kolone br. 13. „Konačna ukupna vrijednost u KM bez PDV-a (8 x 12)“ iznosi 1.092,38 KM. Samim tim i ukupna vrijednost kolone br. 10. „Ukupna vrijednost u KM bez PDV-a (8 x 9)“ iznosi 200.034,63 KM.

Dana 18.01.2021. godine upućen je dopis ponuđaču sa predloženom ispravkom greške računске prirode.

Dana 19.01.2021. god. Od strane ponuđača **"KBA Servis" d.o.o. Brčko** dobivena je saglasnost za ispravku greške računске prirode

Konstatovano je da je ponuđač **"KBA Servis" d.o.o. Brčko** nije dostavio Potvrdu o primjeni preferencijalnog tretmana domaćeg.

Ugovorni organ dodjeljuje ugovor na osnovu sljedećeg kriterija: Najniža cijena (čl. 64. stav 1. tačka b) ZJN ).

Tačkom 25. tenderske dokumentacije je predviđeno provođenje e-aukcije. U skladu sa navedenom tačkom, prije zakazivanja e-aukcije ugovorni organ u sistem e-Nabavke unosi sve prihvatljive ponude.

Tenderskom dokumentacijom je predviđena primjena e-aukcije, a obzirom da je pristigla samo jedna prihvatljiva ponuda, to se u skladu sa članom 3. stav (3) Pravilnika o uslovima i načinu korištenja e-aukcije (Sl. glasnik BiH broj 66/16) e-aukcija ne može zakazati, nego će se postupak okončati u skladu sa članom 69. stav (1) tačka a) Zakona o javnim nabavkama.

Vrijednost ponude ponuđača "KBA Servis" d.o.o. Brčko iznosi 200.034,63 KM bez PDV-a.

Komisija jednoglasno daje prijedlog Ugovornom organu da za nabavku roba „Rezervni dijelovi za pumpne agregate proizvođača KSB“ – tender broj 113/20 donese Odluku o dodjeli ugovora ponuđaču: "KBA Servis" d.o.o. Brčko broj ponude 0328-U/20 od 03. 12. 2020 godine, čija vrijednost ponude iznosi: 200.034,63 KM bez PDV-a.

Odluka o izboru najpovoljnijeg ponuđača i Obavještenje o rezultatu postupka javne nabavke je putem e-maila dostavljen ponuđaču u postupku dana 16.02.2021. godine.

Krajnji rok za dostavu kvalifikacione dokumentacije je bio 7 dana od dana dostavljanja obavještenja o rezultatu postupka javne nabavke.

Komisija za javne nabavke je konstatovala da je ponuđač "KBA Servis" d.o.o. Brčko dana 17.02.2021. godine u zahtjevanom roku dostavio sljedeću kvalifikacionu dokumentaciju i to:

- Ovjerena kopija Uvjerenja Osnovni Sud Brčko Distrikta broj 096-0-RegZ-21-000276 od 02.02.2021. godine, u smislu dokazivanja činjenica iz čl.45 tačka a) ZJN
- Ovjerena kopija Uvjerenja Sud BIH broj: Su: 03-616/21 od 27.01.2021. godine u smislu dokazivanja činjenica iz čl.45 tačka a) ZJN
- Ovjerena kopija Uvjerenja Osnovni Sud Brčko Distrikta broj 096-0-RegZ-21-000276 od 02.02.2021. godine, u smislu dokazivanja činjenica iz čl.45 tačka b) ZJN
- Ovjerena kopija Uvjerenja Fonda za penzijsko i invalidsko osiguranje RS, filijala Bijeljina br. 93-T-6-38/2021 od dana 15.01.2021. godine; Ovjerena kopija Uvjerenja Porezna Uprava Brčko Distrikt br. 14.5-04.3-1/21-327 od dana 14.01.2021. godine i Ovjerena kopija Uvjerenja Fond zdravstvenog osiguranja Brčko Distrikt br. 015-180/6-66/21 od dana 15.01.2021. godine
- Ovjerena kopija Uvjerenja Uprave za indirektno oporezivanje BIH Regionalni centar Tuzla br: 02/6/IV-16-11-89-7818-1 od 03.12. 2020 godine da je ponuđač uredno izmirio dospelje obaveze u vezi s plaćanjem direktnih i indirektnih poreza.

Pregledom dostavljene kvalifikacione dokumentacije, Komisija za javne nabavke je konstatovala da je ponuđač "KBA Servis" d.o.o. Brčko u smislu dokazivanja činjenica iz člana 45. tačka a) ZJN i člana 45. tačka b) ZJN dostavio kao dokaze Uvjerenje Osnovnog Suda Brčko Distrikta sa mlađim datumom (02.02.2021. god) i Uvjerenje Suda BIH sa mlađim datumom (27.01.2021.god) kao i Uvjerenje Fonda za penzijsko i invalidsko osiguranje RS sa mlađim datumom (15.01.2021.god); Uvjerenje Porezne Uprave Brčko Distrikt sa mlađim datumom (14.01.2021.god) i Uvjerenje Fonda zdravstvenog osiguranja Brčko Distrikt sa mlađim datumom (15.01.2021.god); u odnosu na datum dostavljanja ponude (ponuda dostavljena dana 07.12.2020. godine). U pomenutim uvjerenjima nisu navedene činjenice o stanju ponuđača na dan dostavljanja ponude, a što je traženo tačkom 13. tenderske dokumentacije, u kojoj je jasno definisano slijedeće:

U skladu sa tačkom 13. tenderske dokumentacije dokazi koje dostavlja izabrani ponuđač ne mogu biti stariji od tri mjeseca, računajući od dana predaje ponude /unazad tri mjeseca/ s tim da navedeni dokumenti po datumu izdavanja, mogu biti izdati i nakon dostavljanja ponude ili zahtjeva za učestvovanje, ali pod uslovom da su u dostavljenim dokumentima navedene činjenice o stanju ponuđača na dan dostavljanja ponude ili zahtjeva za učestvovanje (bitno je da ponuđač dostavljenim dokumentima izdatim od nadležnog organa dokaže da je istinito ono što je naveo u svojoj izjavi na dan dostavljanja ponude ili zahtjeva za učestvovanje i da ne postoji niti jedan razlog da njegova ponuda ili zahtjev za učestvovanje budu odbačeni.

Shodno navedenom konstatovano je da ponuđač "KBA Servis" d.o.o. Brčko nije dostavio kvalifikacionu dokumentaciju u skladu sa zahtjevima iz tenderske dokumentacije te da se sa istim ne može pristupiti zaključivanju ugovora.

Ponuda ponuđača "KBA Servis" d.o.o. Brčko se odbacuje kao neprihvatljiva, a sve u skladu sa članom 68. stav (4). tačka i) ZJN.

Polazeći od gore navedene konstatacije i činjenice da za predmetnu nabavku nijedna od primljenih ponuda nije prihvatljiva. Komisija je utvrdila da su ispunjeni uslovi iz člana 69. stav 2. tačka d) ZJN za poništenje postupka javne nabavke, te je dala preporuku Ugovornom organu – ovlaštenom licu ugovornog organa da za predmetnu nabavku roba: „Rezervni dijelovi za pumpne agregate proizvođača KSB“- tender broj 113/20 donese odluku o poništenju postupka javne nabavke.

Polazeći od gore navedenih konstatacija i činjenice da za predmetnu nabavku nijedna od primljenih ponuda nije prihvatljiva, primjenom člana 69. stav 2. tačka d) ZJN, donesena je Odluka o poništenju postupka kao u članu 1. ove odluke.

#### **Pouka o pravnom lijeku:**


Protiv ove odluke može se izjaviti žalba, najkasnije u roku od 10 (deset) dana od dana prijema ove odluke.

Dostaviti:

- a/a



v.d.Direktor

  
Aida Pendek, dipl.ing.građ.